

晚清珍稀期刊汇编



中国文献珍本丛书

晚清珍稀期刊汇编
(二十七)

全国图书馆文献缩微复制中心

光緒二十九年五月十五日

日本縣藤文買業燈宵

案

小學妹燈對志如夏六

國國禮書圖魚韻之競畫

湖北學報

刺附

報發請錄泰誌貝千翁賦學

文報

湖北學報第十三冊目次

第一集第十三冊

史學

湖北學報第十三册目次

文牘

政務處覆奏振貝子條

陳摺

鄂督張鄂撫端籌辦湖北各學

堂摺

教育學

小學校教授法改良方

案

日本維新後實業教育

概況

史學

十九世紀產業史

地學

最新地理教授法

內蒙古東部地勢并地質

一斑

外交學

俄羅斯之帝國政策

列國對清國航路之競進

價目

零售貳角全年五元郵費在內

發行所

湖北省城漢陽門廣福坊內學報館

政務處
外務部

覆奏振貝子條陳摺

旨會議。仰祈 聖鑒事。光緒二十八年九月初十日軍機處片交本日軍機大臣面奉 諭旨載振奏敬陳管見一摺。著政務處會同外務部核議具奏。欽此。並將原摺抄交前來。查原奏條陳三事。一曰商務。內稱西人賽會為商務最要關鍵。國家不惜津貼鉅資。使商人挾赴他國賽會。收效至速。美國將以甲辰三月日本將以癸卯三月開設博覽會。皆力勸中國選派工商赴會。日本近在咫尺。使中國富商載物帶匠。明年前往試行賽售。並體驗行銷利鈍之故。考察式樣仿造之宜。請由商務大臣各直省督撫出示曉諭。並選派官紳認真勸導。富商良匠。趕造備賽。工商偕行。詳細考驗。所有專為賽會出口之貨。照各國通例免稅。明歲試辦之始。並由招商局派船遣送。免收川資運費。如商本不足。由官借

熱折閱太鉅。由官津貼。其製造精美。爲外人歡賞。暢售者。給匾旌
門。果能辦有成效。一二年後。卽在吳淞設立會場。統照各國遣商
來華賽會。仿照外洋成法。妥爲經理。保護各等語。等伏查各國
互市以來。進口之貨日增。出口之貨日滯。漏卮外溢。流極安窮。實
由於工商方域自拘。不能開通之故。該將軍載振所籌整頓商務
先辦賽會。意在鼓舞商業。挽回利源。查法國一百四十年前設博
覽會於巴黎。是爲歐西賽會之始。當時法之內務大臣。曾言此次
開會。爲英國工業第一戰爭。其製造品。爲排擊最強之兵器。峇坡
齋武功文治。震動全歐。獨注意經營於此事。始終不懈。迹其有國
之日。曾舉六次大會於巴黎。其先機器製造之物。幾爲英國所專。
此後法國遂進爲地球中之工藝名國。歐美各國。知其功效。相繼
踵行。日本二十年來。仿照舉辦。至明年大阪之會。已爲第五次。駸

駁與歐美爭勝矣。中國地大物博，出產之富，工藝之良，久爲外人所欽羨。特以相沿政教，視商爲末務，上無振興之意，故下無精進之心。從前閉關，原可自治。今與列國開門通市，競爭雄富，號爲商戰之時。人皆開通，我獨自守，斷無能勝之理。今日舉辦賽會，實爲當務之急。該將軍指陳各節，均是實在情形。查賽會貨物出口免稅及載送人貨，減收川資運費，均係各國通行事例。應由山南北江海各關及招商局詳定章程。至如何分派官紳，廣爲勸導，選擇工匠，精爲攷求，及體察商情，能否借墊成本，酌給津貼各節，應請飭下南北洋大臣、商務大臣、各直省督撫，迅速妥籌奏明辦理。其有工於製造，爲眾所稱，卽由該大臣查實奏聞，請旨頒給匾額，以示優異。將來辦有成效，卽可仿照各國於中國大都會或通商口岸設立會場。風會旣開，羣情自奮，因勢利導，人必爭趨，亦不

必定以年限也。一曰路礦內稱中國創辦路礦爲日甚淺。章程未能完備。各國閱歷較深。足資考鏡。宜博采精擇。編成則例。官與商民各有當盡之職。應得之權。彼此交盡之義。其有關係處。分刑律者。詳加酌訂。而後遇事審斷。庶有依據。一面定法。一面招集新加坡檳榔嶼小呂宋金山等處殷實華商。給予憑照。准其集股認辦。中國定例招商。從此認真辦事。斷無抑勒之舉。自必樂爲我用。各等語。等查鐵路礦務爲中國開闢大利之源。二事久爲外人垂涎。近年紛紛集股來華。以我辦理向無一定章程。乘機愚弄。攘奪權利。英意德美各國在南北各省。寬指地段。各稱公司。合同紛歧。莫衷一是。中國並無殷實可靠之商。出爲承辦。外人得以藉端要挾。來者正無窮期。在我旣無定章。在人皆可需索。該將軍所請一面定法。一面招商。實爲扼要之論。查上年劉坤一張之洞卽有請

定路律礦律之奏近復有採取各國礦章妥議章程之奏所陳均極詳明本年正月十六日七月初九日迭奉諭旨飭該大臣等妥議章程務期通行無弊應仍請飭下張之洞等迅速覆奏一俟章程議定卽當編成則例勒爲專書至所稱關繫處分及刑律各條亦應俟編纂則例時詳加酌定可以通行無礙歐美商律最爲詳明其大商有所憑依故能日臻興盛必中國定有商律華商有恃無恐而後公司可成中國礦產冠於五洲徒滋外人覬覦侵佔若能廣招華商自辦實爲收回自有權利之一大端南洋各島商富至多應請飭下商務大臣選派妥員出洋會同出使英美各國大臣就所轄各島華商廣爲勸導果能招集巨股回華開辦必當按照定章予以應有權利官長力爲護持而其歸重尤在先將章程議定實力奉行商情乃能信服固非空言所能招致也一

文

志頁

政務處外務部覆奏擬具章程陳摺

三 湖北學報第

日學堂內稱事變至極繁極賾之會非廣設學堂定教科書不能齊視聽而一心志教科各書自政治理財法學武備以致一切藝術之事泰西各國皆有一定教規但須編譯頒行學者卽知法守尤在詳定學生出路今在東西洋諸生不惜重資不憚遠涉若不急與登進非但大失人心亦且爲各國笑至於登進之途要必以所得文憑之差等爲授官之差等如工廠如商會如農工商等局如陸軍水師各學堂教習皆宜就學生所學之科儘先拔用各等語竊維國勢之強弱由於人才而人才之盛衰視其學業東西洋各國學堂相望儲之既廣教之又專用之又最善是以羣才競出各呈其效日臻富強該將軍所請廣設學堂定教科書及詳定學生出路皆係考驗有得之語伏讀迭次 諭旨設立學堂並定各學生出身階級以及選派學生出洋遊學及自備資斧者學成回

華領有文憑考驗合格均一律給予出身近日大學堂奏定學生
出身章程並有咨送京外各局所當差及給予准爲各處學堂教
習文憑之例其爲學生籌出路者至爲周備正與該將軍所請相
符教科各書前經管學大臣張百熙奏明編譯中西各書用爲學
堂課本應請飭下該大臣迅速編譯頒行各省俾有遵依至該
將軍所稱水陸師學堂農工商各局此在東西洋均有專門之學
及其進用亦有專設之官固無不學而用之人亦無學成不用之
事中國學堂甫經設科舉未能遽停現雖改定考試科條然倉
卒取才與從前原無大異綜計數年之內恩科正科並舉當增
進士千數舉人萬數與各堂學生分途並進實無策可以疏通人
情喜易畏難誰不思爭捷徑總之下所趨向必視上之用舍爲轉
移日本初次出洋學生回國之後俱得選用伊藤陸奧卽在其中

文

續

政務處外務部覆奏摺具子條陳摺

四

湖北學報館

二十年來其國中學校如林。幾與泰西大邦比盛。利祿所在。卽風會所歸。今迭奉 詔書開辦學堂。並派遊學。國家不惜經費。原期造就人才。將來學成之時。自必詳加甄錄。但使天下知 朝廷注意之所在。競勉爲有用之學。庶不致再涉歧趨。至小學蒙學。實爲學校始基。泰西各邦。此項學堂。多由民間自立。其教規登進。均與官立者相同。俱授成於文部。應由各直省地方官。剴切勸諭。如有集資創設。蒙小學堂若干所。及獨出資財。建立學堂者。將來應如何獎勵之處。擬由各該督撫。隨時咨報大學堂。奏明請 旨。特予優獎。以樹風聲。於勸學興校。不無裨益。所有遵 旨會議緣由。是否有當。謹合詞繕摺具陳。伏乞 皇太后 皇上聖鑒訓示。謹

奏光緒二十八年十月初五日奉 旨依議欽此

再泰西以商立國。於商務特設商部。其名稱之重。與內外各部相

等中國向來視商爲末務。並無專設之官。雖迭經奉 旨簡派督辦會辦商務各大臣。其初不過差使。其後幾成兼銜。旣無統轄之權。又無專駐之所。近來中外臣工。多以設商部爲請。盛宣懷請設商業公所。詳言中外商情。內稱彼團結而我散漫。彼諳熟而我生疏。彼得要領而占先。我無頭緒而落後。實爲深明利弊之語。臣等公同籌議。今日事勢。必以振興商務爲本。須有總護之地。主持之人。乃能聯絡商情。挽回權利。擬即設立商部。名稱既正。責任亦專。中外皆知。朝廷振作之盛心。自能開風興起。現在外洋各島股富華商最眾。實爲將來開拓商埠大利之源。設法招徠。尤爲急務。若問 中朝特設商部。眾情有所依歸。一掃從前官商隔絕之弊。於大局裨益非淺。如蒙 允行。應俟 簡派大員後。卽由商部會同南北洋大臣。江鄂川廣閩浙各督撫。將應辦各事宜。迅速詳議。

文

賣

政務處外務部覆奏振貝子修陳摺

五

湖北學報館

覆奏恭候 聖明裁定施行 臣等爲振興商務起見是否有當理
合附片具陳伏乞 聖鑒訓示謹 奏光緒二十八年十月初五
日奉 旨依議欽此

當參用舊譯不當盡用新名是也。三曰文法當潤色之使明白條暢合於中國古今文法語氣不當用直譯之本多詰曲支冗之詞是也。兩湖書院課書向係專門教習以已學講授就其所講排日編錄卽成課本雖淺深繁簡或未能如外國課書之精到合宜而大旨必不詭於正講授亦有次第學生領解甚易受益甚速查日本設學之初官編課書未能盡善後聽民間有學之士編纂呈文部省檢定善本漸多現在京城大學堂所編課書尙未頒行江楚編譯局雖成有數種然閱其稿本尙須詳加改定民間間有纂譯純善實難鄂省學堂擬仍暫取舊時課本斟酌修補用之並取舊有之書如朱子小學陳宏謀養正遺規教女遺規訓俗遺規司馬光通鑑目錄稽古錄齊召南歷代帝王年表鮑東里史鑑節要便讀潘世恩讀史鏡古編時人編譯現有印本之桑原鷲藏東洋史

要西洋史要歐洲史略列國變通興盛記地理問答地理略說普通學初階溥通學前編心算啟蒙算學啟蒙筆算數學物算教科書筆算教科書代數備旨形學備旨化學初階化學新編格物入門格致舉隅格致啟蒙西學啟蒙十六種西學二十七種須知教授學學校管理法學校衛生學德國武備體操學日本普通體操學上海銅板地球全圖東半球圖中國全圖鄂省新刊湖北全省輿圖長江圖等圖書開單發交省內外中小學堂以此普爲講授並備教員參考已不至誤入歧途俟新課書編成再爲頒發至外國教習所講之法律財政兵學各書由_臣等核定再令講授再另有小川所著東洋史要與上項所言桑原騰藏著者不同於學堂不宜合併聲明

學堂規制必宜合法第四 學堂建造之要有三一在便於衛生

水上之污潔。空氣之通塞。光線之斜正。一有不慎。則貽害甚多。二在便於教授。講堂寬廣合度。則耳目不勞。旁無人聲。則心思始一。至於試驗理化之房室。繪畫地圖之几案。皆與尋常不同。必當妥爲布置。三在便於管理。退習食宿。不在一處。則稽查難。課餘游息。別無餘地。則約束難。鄂省文武大中小各學堂。處處皆求完備。合法。不敢稍存苟簡遷就之念。新建者。布置固須盡善。已成者。稍有不合。必加修改。計以上各學堂。有禮堂。有講堂。每處講堂。少者四座。多至八座。理化講堂。附有器具。藥品。試驗室。此外有自習所。有寢息所。有會食所。有盥浴所。有課餘息游所。有養病所。有應客所。有圖書器具所。有操場。而武學堂之操場。設置尤備。其間各學堂。間有數事。未能完全。亦有暫時借地開辦。尙待遷移者。以後仍擬一律照辦。至各堂學生。按照西法。會食有定地。臥起有定時。衣冠